



Na osnovu člana 3. stav (1) Zakona o službi u OS BiH („Službeni glasnik BiH“ broj: 88/05, 53/07, 59/09, 74/10 i 42/12), a u skladu sa odredbama 16., 17., 18. Pravilnika o školovanju i usavršavanju u MO i OS BiH broj: 13-02-3-1550-41/18 od 26.04.2019. godine, a u cilju odabira kandidata/kinja za školovanje na vojnim akademijama u inostranstvu, Ministarstvo odbrane Bosne i Hercegovine raspisuje

JAVNI KONKURS **ZA ŠKOLOVANJE KADETA NA VOJNIM AKADEMIJAMA U INOSTRANSTVU** **ZA ŠKOLSKU 2026/2027. GODINU**

I – PREDMET KONKURSA

Ministarstvo odbrane Bosne i Hercegovine raspisuje javni konkurs za školovanje kadeta na vojnim akademijama u inostranstvu po sljedećem:

- a) Preddiplomski studijski programi „Vojno vođenje i upravljanje“ i „Vojno inženjerstvo“ u Republici Hrvatskoj,
- b) Vojna akademija u Republici Sjevernoj Makedoniji (opći smjer, a nakon prve godine školovanja Ministarstvo odbrane BiH određuje rod/službu na osnovu postignutog uspjeha i potreba Oružanih snaga BiH),
- c) Terezijanska vojna akademija u Republici Austriji,
- d) Vojna akademija u Republici Italiji (vojna akademija kopnene vojske),
- e) Vojne akademije u Republici Grčkoj:
 - a. Vojna akademija kopnene vojske,
 - b. Vazduhoplovna vojna akademija,
 1. Vazduhoplovni inženjeri,
 2. Inženjeri elektronike
 - c. Vojna akademija za oficire u službama.
 1. Medicina,
 2. Informatika,
 3. Ekonomija
- f) Vojne akademije u Republici Turske:
 - a. Vojna akademija kopnene vojske,
 - b. Vazduhoplovna vojna akademija.
 - c. Vojna medicinska akademija.
- g) Vojna akademija u Saveznoj Republici Njemačkoj (smjerovi: pješadija i brdska pješadija).

II – USLOVI KONKURSA

1. **Opći uslovi** su propisani članom 9. Zakona o službi u Oružanim snagama BiH ("Službeni glasnik BiH", broj: 88/05, 53/07, 59/09, 74/10, 42/12, 41/16 i 38/18):

- a) da je državljanin Bosne i Hercegovine,
- b) da je zdravstveno sposoban za službu u Oružanim snagama,
- c) da nije osuđivan na bezuslovnu kaznu zatvora u trajanju dužem od šest mjeseci,
- d) da nije prethodno otpušten iz državne službe ili pravnog lica zbog povrede službene dužnosti u posljednje tri godine,
- e) da se protiv njega ne vodi krivični postupak za krivično djelo za koje se goni po službenoj dužnosti,
- f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
- g) da ima odgovarajuću stručnu spremu potrebnu za obavljanje određene dužnosti (uslov koji će biti ispunjen po završetku vojne akademije).

2. Posebni uslovi:

(1) Zajednički posebni uslovi:

- a) završena srednja škola IV stepen ili da trenutno pohađa IV razred srednje škole,
- b) da je postigao/la ukupan uspjeh tokom školovanja najmanje dobar (kandidati/kinje sa prosjekom ocjena odličan će imati prednost ako dva ili više kandidata/kinje imaju jednak ukupan broj bodova),
- c) kandidati/kinje koji pohađaju četvrti razred srednje škole, po završetku istog, a najkasnije do 21.06.2026. godine, moraju dostaviti ovjerene kopije svjedočanstva i diplome Sektoru za upravljanje personalom Ministarstva odbrane Bosne i Hercegovine,
- d) kandidati/kinje koji pohađaju četvrti razred srednje škole po završetku istog, moraju u svjedočanstvu imati minimalno isti prosjek ocjena iz svih predmeta kao i u svjedočanstvu sa polugodišta četvrtog razreda koje su predali u dokumentima za prijavu na javni konkurs. Ministarstvo odbrane Bosne i Hercegovine zadržava pravo obustaviti postupak upućivanja kandidata/kinje na školovanje ukoliko lice nema minimalno isti prosjek kao i na polugodištu četvrtog razreda,
- e) poznavanje engleskog jezika (test ALCPT- minimalni 60 bodova, osim za preddiplomske studijske programe u R. Hrvatskoj,
- f) poznavanje rada na računaru (Word, Excel, Power Point, Internet),
- g) da kandidati nisu u braku niti imaju zakonsku obavezu izdržavanja djece i da nisu u drugom stanju.

(2) Posebni uslovi za vojne akademije:

- a) Za preddiplomske studijske programe „Vojno vođenje i upravljanje“ i „Vojno inženjerstvo“ u R. Hrvatskoj:
 - a. da nije mlađi/a od 18 i stariji/a od 22 godine na dan 30.09.2026. godine,
 - b. da je prosjek ocjena iz matematike najmanje dobar za oba studijska programa,
 - c. razumijevanje hrvatskog jezika za nesmetano praćenje nastave i ispunjavanje studijskih obaveza,
 - d. poznavanje engleskog jezika (test ALCPT- minimalni 80 bodova, uslov R. Hrvatske),
 - e. fizička spremnost: kandidati/kinje moraju imati dobru fizičku spremnost, koja će biti provjerena kroz sljedeće discipline: trbušnjaci, sklekovi i trčanje na 3200 m.

- b) Za Vojnu akademiju u Republici Sjeverna Makedonija
- a. da nije mlađi/a od 18 i stariji/a od 22 godine na dan 30.09.2026. godine,
 - b. da je prosjek ocjena iz matematike najmanje dobar,
 - c. fizička spremnost: kandidati/kinje moraju imati dobru fizičku spremnost, koja će se provjeriti kroz sljedeće discipline:
 - i. Trčanje - na 1600 metara,
 - ii. Trbušnjaci,
 - iii. Skok u dalj iz mjesta i
 - iv. Zgibovi na vratilu.
- c) Za Terezijansku vojnu akademiju u Republici Austriji,
- a. da nije mlađi/a od 18 i stariji/a od 21 godine na dan 30.09.2026. godine,
 - b. poznavanje njemačkog jezika (nivo A2 prema Zajedničkom europskom referentnom okviru - CEFR), koje će biti testirano u kasarni Rajlovac,
 - c. da je prosjek ocjena iz matematike najmanje dobar,
 - d. Fizička spremnost: kandidati/kinje moraju imati dobru fizičku spremnost, koja će biti provjerena kroz sljedeće discipline: trbušnjaci, sklekovi, trčanje na 3200 m i plivanje na 300 m slobodnim stilom.
- d) Za Vojnu akademiju u Republici Italiji:
- a. da je tokom školovanja imao/la ukupan uspjeh najmanje dobar,
 - b. da nije mlađi/a od 18 i stariji/a od 22 godine na dan 30.09.2026. godine,
 - c. fizička spremnost: kandidati/kinje moraju imati dobru fizičku spremnost, koja će biti provjerena kroz sljedeće discipline: trbušnjaci, sklekovi, trčanje na 3200 m.
- e) Za Vojne akademije u Republici Grčkoj:
- a. da nije mlađi/a od 18 i stariji/a od 21 godine za Vojnu akademiju Kopnene Vojske, Vazduhoplovnu vojnu akademiju i Vojnu akademiju za oficire sanitetske službe, odnosno 20 godina za Vojnu akademiju za oficire službe – smjer medicina, na dan 30.09.2026. godine,
 - b. da je tokom školovanja u srednjoj školi imao/la predmet matematiku,
 - c. da je prosjek ocjena iz matematike dobar u posljednje dvije godine u kojima je imao/la predmet matematiku,
 - d. fizička spremnost: kandidati/kinje moraju imati dobru fizičku spremnost, koja će biti provjerena kroz sljedeće discipline: trbušnjaci, sklekovi, trčanje na 3200 m.
- f) Za Vojne akademije Oružanih snaga Republike Turske:
Vojna akademija kopnene vojske i Vazduhoplovna vojna akademija:
- a. završena srednja škola IV stepen (da je nastavnim planom i programom je predmet matematika bio zastupljen najmanje dvije, a predmeti hemija i fizika najmanje jednu školska godinu),
 - b. da nije stariji/a od 21 godine na dan 01.09.2026. godine,
 - c. da su im tjelesna visina i težina u okviru definisanih standarda Oružanih snaga R. Turske,
 - d. kandidati/kinje moraju imati dobru fizičku spremnost, koja će biti provjerena kroz sljedeće discipline (uslov Republike Turske):

- trčanje (muškarci na 400 m, žene na 800 m),
 - trbušnjaci,
 - skok u dalj iz mjesta,
 - zgibovi na vratilu,
 - bacanje košarkaške lopte.
- e. da kandidati ne boluju od zaraznih bolesti (HIV, TBC, hepatitis), kao i da ne boluju od astme i oboljenja srca (uslov Republike Türkiye),
- f. da nemaju smetnje u govoru (uslov Republike Türkiye),

Vojna medicinska akademija:

- a) završena srednja škola IV stepen (nastavnim planom i programom su predmeti matematika, hemija, fizika i biologija bili zastupljeni najmanje dvije školske godine),
- b) da nije stariji/a od 20 godina na dan 01.09.2026. godine,
- c) da su njihova tjelesna visina i težina u okviru definisanih standarda Oružanih snaga R. Türkiye,
- d) fizička spremnost:
kandidati/kinje moraju imati dobru tjelesnu spremnost, koja će biti provjerena kroz sljedeće discipline (uslov Republike Türkiye):
- trčanje (muškarci na 400 m, žene na 800 m),
 - trbušnjaci,
 - skok u dalj iz mjesta,
 - zgibovi na vratilu,
 - bacanje košarkaške lopte.
- e) da kandidati ne boluju od zaraznih bolesti (HIV, TBC, Hepatitis), kao i da ne boluju od astme i oboljenja srca (uslov Republike Türkiye),
- f) da nemaju smetnje u govoru (uslov Republike Türkiye), da kandidati nisu oženjeni/udati ili razvedeni,
- g) Za Vojnu akademiju Oružanih snaga Savezne Republike Njemačke:
- a. da nije mlađi/a od 18 i stariji/a od 22 godine na dan 30.09.2026. godine,
 - b. poznavanje engleskog jezika (test ALCPT – minimalno 60 bodova),
 - c. da je prosjek ocjena iz matematike najmanje dobar, u posljednje dvije godine u kojima je imao/la predmet matematika,
 - d. fizička spremnost: kandidati/kinje moraju imati dobru fizičku spremnost, koja će biti provjerena kroz sljedeće discipline: trbušnjaci, sklekovi i trčanje na 3200 m.

Napomene: Kandidati/kinje prijavljeni na Javni konkurs proći će najmanje: test fizičke spremnosti (za svaku od disciplina propisanih konkursom za vojne akademije na koje je konkurisao/la), psiho test, test općeg znanja, test iz poznavanja engleskog jezika i intervju. Norme za provjeru tjelesne spremnosti kao i standarde tjelesne mase i visine koji se traže za odabir kadeta za prijem u vojne akademije KoV i VVA u Türkiye nalaze se na web stranici MO BiH.

Ukoliko kandidat/kinja aplicira na više smjerova, u prijavnom obrascu obavezno navesti redoslijed smjerova po prioritetu, na koje aplicira.

Posebno će biti izvršeno bodovanje opšteg uspjeha i bodovanje prosjeka ocjena iz matematike. Kandidati sa boljim opštim i uspjehom iz matematike imaće prednost prilikom izbora.

U slučaju istog broja bodova po provedenom postupku izbora kandidata, prednost ima kandidat pola koji je manje zastupljen u OS BiH.

Sigurnosnu provjeru za svakog uspješnog kandidata/kinje izvršiće nadležni sektor Ministarstva odbrane Bosne i Hercegovine, a zdravstveni pregled kandidata/kinja koji uspješno prođu testiranje obaviti će nadležna ustanova u organizaciji Ministarstva odbrane Bosne i Hercegovine.

Rangiranja kandidata/kinja vršit će se na osnovu kriterija koje će odobriti Ministar odbrane Bosne i Hercegovine i sa kojima će biti upoznati kandidati/kinje koji budu pozvani na testiranja i provjere.

III – ŠKOLOVANJE, PRAVA I OBAVEZE

1. Trajanje školovanja na vojnim akademijama u inostranstvu:
 - a) Školovanje kadeta na preddiplomskim studijskim programima „Vojno vođenje i upravljanje“ i „Vojno inženjerstvo“ u R. Hrvatskoj traje 4 (četiri) godine.
 - b) Školovanje kadeta na Vojnoj akademiji u R. S. Makedoniji traje 4 (četiri) godine.
 - c) Školovanje kadeta na Terezijanskoj vojnoj akademiji u R. Austriji traje 5 (pet) godina. Na prvoj godini kadeti će usavršavati njemački i engleski jezik.
 - d) Školovanje kadeta na Vojnoj akademiji kopnene vojske u R. Italiji, traje 3 (tri) godine, uz prethodno učenje italijanskog jezika.
 - e) Školovanje kadeta na Vojnim akademijama u R. Grčkoj traje:
 - a. Vojna akademija kopnene vojske, 5 (pet) godina.
 - b. Vazduhoplovna vojna akademija, 5 (pet) godina.
 - c. Vojna akademija za oficire u službama.
 - a. Medicina, 7 (sedam) godina.
 - b. Informatika, 5 (pet) godina.
 - c. Ekonomija 5 (pet) godina.Na prvoj godini kadeti će učiti grčki i usavršavati engleski jezik. Očekivani odlazak kadeta u pripreme škole grčkog jezika je u periodu od 1. do 30. septembra 2026. godine.
 - f) Školovanje kadeta na Vojnoj akademiji kopnene vojske i Vazduhoplovnoj akademiji Republike Turske traje pet godina. Školovanje kadeta na Vojnoj medicinskoj akademiji Republike Turske traje sedam godina. Na prvoj godini svih vojnih akademija u R. Turske kadeti će učiti turski jezik.
 - g) Školovanje kadeta na Vojnoj akademiji u SR Njemačkoj traje 4 (četiri) godine. Na prvoj godini kadeti će učiti njemački jezik.
2. Odabrani kandidati/kinje imat će status kadeta, čija će prava i obaveze biti regulisane u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18) i članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12 i 42/12).

3. Po završetku školovanja, kadeti će biti primljeni u profesionalnu službu u početnom činu oficira Oružanih snaga Bosne i Hercegovine - potporučnik, odgovarajućeg roda/službe.
4. Međusobne obaveze kandidata/kinja izabranog/ne za školovanje u statusu kadeta na vojnoj akademiji u inostranstvu regulišu se Ugovorom o školovanju.
5. Tokom školovanja kadetima se osiguravaju smještaj i ishrana u internatu vojno obrazovne ustanove na koju se kadet/kinja upućuje.

IV POTREBNI DOKUMENTI

- a) Prijava i lični (biografski) podaci (isključivo po obrascima ponuđenim na www.mod.gov.ba). Ukoliko kandidat/kinja konkuriše na više vojnih akademija i smjerova, u prijavnom obrascu obavezno navesti redoslijed vojnih akademija i smjerova po vlastitom prioritetu, na koje aplicira.
- b) Ovjerene kopije svjedočanstava svih razreda srednje škole,
- c) Ovjerena kopija diplome četverogodišnje srednje škole odnosno, svjedočanstva sa polugodišta četvrtog razreda ukoliko lice pohađa četvrti razred, s tim da je kandidat/kinja u obavezi naknadno dostaviti ovjerenu kopiju diplome četvrtog razreda, gdje prosjek ocjena ne smije biti manji od prosjeka ocjena sa polugodišta četvrtog razreda,
- d) Original ili ovjerena kopija Uvjerenja o državljanstvu, ne starije od šest mjeseci od dana izdavanja, (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- e) Original ili ovjerena kopija Izvoda iz matične knjige rođenih, trajnog karaktera,
- f) Original ili ovjerena kopija Uvjerenja da se ne vodi krivični postupak, niti da je potvrđena optužnica, ne starije od tri mjeseca od dana izdavanja od strane nadležnog suda (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- g) Izjava kandidata/kinje da u posljednje 3 (tri) godine nije otpušten/a sa posla zbog povrede službene dužnosti ovjerena kod nadležnog općinskog organa (isključivo po obrascu ponuđenom na www.mod.gov.ba),
- h) Original ili ovjerena kopija dokaza o prebivalištu (CIPS), izdat od strane nadležnog organa, ne stariji od tri mjeseca od dana izdavanja (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- i) Dokaz o poznavanju rada na računaru (za kandidate/kinje koji tokom srednje škole nisu imali predmet informatika),
- j) Saglasnost za obradu biografskih podataka/informacija za potrebe procesa konkurisanja na vojne akademije (isključivo po obrascu ponuđenom na www.mod.gov.ba).

Napomena: Kandidati/kinje koji ne budu izabrani u procesu odabira omogućava se preuzimanje ličnih dokumenta koji su dostavljeni prilikom prijema, u roku od 30 dana od donošenja konačne odluke ministra odbrane BiH o izboru kandidata/kinja.

V ODABIR KANDIDATA

Odabir kandidata/kinja izvršit će Komisija koju će formirati ministar odbrane Bosne i Hercegovine.

Testiranju kandidata mogu prisustvovati ovlaštena lica države prijema, po njihovom zahtjevu.

VI PRIJAVA NA JAVNI KONKURS

Sve tražene dokumente treba dostaviti preporučeno putem poštanske službe na adresu:

Ministarstvo odbrane Bosne i Hercegovine

Ulica Hamdije Kreševljakovića 98

71 000 Sarajevo

Sa naznakom „Javni konkurs za školovanje kadeta na Vojnim akademijama“

Konkurs ostaje otvoren 15 (petnaest) dana od dana objavljivanja na <https://www.mod.gov.ba> .

Ispunjavanje uslova utvrđenih ovim Javnim konkursom računa se danom predaje prijave.

Neblagovremene prijave kandidata neće se uzeti u razmatranje. Ukoliko u prijavi i dokumentaciji postoje formalni nedostaci (nepotpuna i neuredna prijava i dokumentacija) lice se poziva da u roku od pet dana ispravi navedene formalne nedostatke i dostavi potrebnu dokumentaciju, u skladu sa Zakonom o upravnom postupku BiH.

Broj: 10-33-2-277-30/26

Sarajevo, 26.05.2026. godine

MINISTAR

Zukan Helez